

BOSNA I HERCEGOVINA
FEDERACIJA BOSNE I HERCEGOVINE
VLADA

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ВЛАДА

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Broj: 03-02-248/2016
Sarajevo, 29.3.2017. godine

PARLAMENT FEDERACIJE
BOSNE I HERCEGOVINE

- Dom naroda-
gđa Lidija Bradara, predsjedavajuća ✓

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
SARAJEVO

Primljeno:	29-03-2017			10x
Org. jed.	Broj	Priloga	Vrijednost	
	02-02	405	16	VRLO HITNO

PREDMET: Izjašnjenje Vlade Federacije Bosne i Hercegovine

Poštovana,

U skladu sa članom IV.B.3.7.c) (III) Ustava Federacije BiH, a u vezi sa odredbama čl. 180. i 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), u prilogu Vam dostavljam **Izjašnjenje Vlade Federacije Bosne i Hercegovine o amandmanima na Prijedlog zakona o penzijskom i invalidskom osiguranju, koje su podnijeli Aner Žuljević (77 amandmana i dva amandmana) i Predrag Kojović (tri amandmana), delegati u Domu naroda Parlamenta Federacije Bosne i Hercegovine, a koje je Vlada Federacije Bosne i Hercegovine utvrdila na 97. sjednici, održanoj 29.3.2017. godine.**

S poštovanjem,



Prilog: kao u tekstu

Co: Federalno ministarstvo rada i socijalne politike
gosp. Vesko Drljača, ministar

BOSNA I HERCEGOVINA
FEDERACIJA BOSNE I HERCEGOVINE
VLADA

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ВЛАДА

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Na osnovu člana 73. Poslovnika o radu Vlade Federacije Bosne i Hercegovine-Prečišćeni tekst ("Službene novine Federacije BiH", br: 6/10, 37/10 i 62/10), a u vezi sa odredbom čl. 180 i 183. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03 i 21/09), nakon razmatranja amandmana na Prijedlog zakona o penzijskom i invalidskom osiguranju, koje su podnijeli Aner Žuljević (77 amandmana i dva amandmana) i Predrag Kojović (tri amandmana), delegati u Domu naroda Parlamenta Federacije Bosne i Hercegovine, Vlada Federacije Bosne i Hercegovine je, na 97. sjednici održanoj 29.3.2017. godine, utvrdila sljedeće:

IZJAŠNJENJE

o amandmanima od I do LXXVII na Prijedlog zakona o penzijskom i invalidskom osiguranju, koje je podnio Aner Žuljević, delegat u Domu naroda Parlamenta Federacije BiH

AMANDMAN I

U članu 1. u četvrtom redu nastavak teksta iza zagrada se mijenja i glasi:
„prava i obaveze na osnovu tih osiguranja, način finansiranja, prikupljana, raspodjele i transfera sredstava za namjene utvrđene ovim zakonom, te ostvarivanje nadzora i kontrola provođenja ovog zakona.“

AMANDMAN II

U članu 2. tačka a) iza riječi „nastanak“ dodati riječ „starosti“, a u nastavku dodati riječ „rizika“.

U istoj tački, umjesto teksta „osiguranika, odnosno korisnika prava“, treba da stoji tekst „prava utvrđena zakonom“.

U tački b) iz teksta u zagradi brisati riječ „dobrovoljno osiguranje“ i na kraju teksta brisati zarez i dodati tekst „i fizičko lice koje je osigurano na dobrovoljno penzijsko i invalidsko osiguranje“.

U tački f) u tekst u zagradi iza riječ „starosna“, dodati riječ „srazmjerna“.

U tački i) umjesto riječi „tjelesne“, treba stajati riječ „fizičke“.

U istom članu iza tačke j) dodaju se tačke k), l), lj) - pojmovna značenja:

- k) Prikupljanje podrazumjeva sistem naplate sredstava i transfera na račun nosioca osiguranja,
- l) Raspodjela podrazumjeva sistem alokacije i distribucije sredstava iz javnih prihoda: dažbina (poreza i doprinosa), kreditnih sredstava i sredstava po osnovu prodaje javne imovine (finansijske i nefinansijske).
- lj) Izvršenje podrazumjeva način transfera sredstava po osnovu penzijskog osiguranja na korisnike.“

AMANDMAN III

U članu 4. u stavu 1) dodaje se tačka f) koja glasi:

f) pravo na srazmjernu penziju“.

iza stava (3) dodaje se stav (4) koji glasi:

„(4) Obim prava koji ne zavisi od uslova za ostvarivanje prava iz predhodnog stava i izvori finansiranja tih prava, utvrđuju se posbenim propisom.“

AMANDMAN IV

U članu 7 stav (2) brisati tekst „iz oblasti organizacije penzijskog i invalidskog osiguranja u Federaciji Bosne i Hercegovine (u daljem tekstu: Federacija)” kao nepotreban.

AMANDMAN V

U članu 12. iza tačke g) dodaje se tačka h) koja glasi:

„h) osoba koja ostvaruje prihod i koja je upisana u registar obveznika poreza na dohodak od samostalne djelatnosti, a nije osigurana po drugom osnovu.“

AMANDMAN VI

Član 14. mijenja se i postaje stav (1) istog člana.

Iza stava 1) dodaju se stavovi (2), (3), (4), (5) i (6) koji glase:

„(2) Osiguranik poljoprivrednik je fizičko lice – nosilac ili član porodičnog poljoprivrednog gazdinstva, koje je upisano u Registar porodičnih poljoprivrednih gazdinstava, koje ima opću zdravstvenu sposobnost i koje nije obavezno osigurano po drugom osnovu.

(3) „Porodično poljoprivredno gazdinstvo” je samostalna privredna i socijalna jedinica zasnovana na vlasništvu, posjedovanju, zakupu ili upotrebi proizvodnih resursa i upravljanja porodice u obavljanju poljoprivrednih djelatnosti kao jedinog ili glavnog zanimanja, u kojoj nosilac poljoprivrednog gazdinstva zajedno sa punoljetnim članovima svog domaćinstva, obavlja poljoprivrednu proizvodnju, te je kao takvo upisano u Registar porodičnih gazdinstava.

(4) Nosilac porodičnog poljoprivrednog gazdinstva je fizičko lice ovlašteno od svih punoljetnih članova gazdinstva da u svojstvu odgovornog lica predstavlja porodično poljoprivredno gazdinstvo.

(5) Član poljoprivrednog gazdinstva, u smislu ovog zakona, je lice koje živi i radi na porodičnom poljoprivrednom gazdinstvu.

(6) Osiguranik poljoprivrednik u smislu stava (2) ovog člana je nosilac porodičnog poljoprivrednog gazdinstva i najmanje jedan član poljoprivrednog gazdinstva sa navršenih 15 godina života, ukoliko nije osiguran po drugom osnovu“.

AMANDMAN VII

U članu 17. iza stava (1), dodaje se stav (2) koji glasi:

„(2) osoba je obavezno osigurana i za slučaj bolesti koja je nastala kao posljedica obavljanja poslova u okolnostima iz stava (1) ovog člana“.

AMANDMAN VIII

U članu 24. iza stava (1), dodaje se stav (2) i (3) koji glase:

„(2) Za određivanje visine starosne penzije osiguraniku ženi, navršeni efektivni staž osiguranja se uvećava za 5%.“

„(3) Doprinos za osiguranika ženu iz stava (2) ovog člana obračunava i uplaćuje Ministarstvo za rad i socijalnu politiku“.

AMANDMAN IX

U članu 33. stav (1), mijenja se i glasi:

„(1) Radna mjesta na kojima se staž osiguranja računa sa uvećenim trajanjem i stepen uvećavanja staža po tom osnovu, Odlukom utvrđuje Federalno ministarstvo rada i socijalne politike (u daljem tekstu: Ministarstvo), a na zahtjev granskog sindikata, udruženja poslodavaca ili poslodavca“.

U stavu (3) istog člana riječ „Pravilnikom” zamjenjuje se riječju „Odlukom”, a ostatak teksta se mijenja i glasi „mogu podnijeti i inspektor rada i Federalna komisija za ocjenu radne sposobnosti ukoliko u obavljanju poslova iz svog djelokruga zapaze netipične pojave koje mogu otežati rad ili povećati stepen opasnosti i štetnosti po zdravlje i radnu sposobnost osiguranika.“

Iza stava (5) dodaju se novi stavovi (6) i (7) koji glase:

„(6) Odluku o utvrđivanju radnih mjesta na kojima se staž osiguranja računa sa uvećanim trajanjem i stepen uvećanja, kao i izmjene i dopune Odluke, Ministarstvo objavljuje u „Službenim novinama Federacije BiH.“

„(7) Na osnovu Odluke iz stava (6), ministar izdaje rješenje koje se dostavlja nosiocu osiguranja, osiguraniku i podnosiocu prijedloga za utvrđivanje radnih mjesta na kojima se staž osiguranja računa sa uvećanim trajanjem.“

AMANDMAN X

Iza člana 33. dodaje se novi član 33a, koji glasi:

„(1) Evidenciju o radnim mjestima na kojima se staž osiguranja računa sa uvećanim trajanjem, kao i evidenciju o osiguranicima kojima se staž osiguranja računa sa uvećanim trajanjem, vode poslodavac i nosilac osiguranja.“

„(2) U cilju uspostavljanja i ažuriranja evidencija iz stava (1), poslodavac je obavezan da ovlaštenom licu nosioca osiguranja omogući uvid u dokumentaciju neophodnu za te evidencije.“

„(3) Poslodavac je obavezan da ažurirane podatke koji se odnose na evidencije iz stava (1) na odgovarajući način usaglasi sa podacima iz Jedinstvenog sistema.“

AMANDMAN XI

Član 34. mijenja se i glasi:

„Odredbe ovog zakona koje se odnose na utvrđivanje radnih mjesta sa uvećanim trajanjem i stupanj uvećanja staža, kao i postupak revizije, odnose se na sve osiguranike koji prava iz obaveznog penzijskog i invalidskog osiguranja po osnovu međugeneracijske solidarnosti ostvaruju po ovom zakonu“.

AMANDMAN XII

U stavu (4) člana 35. iza riječi „podliježu reviziji“ stavlja se zarez i dodaje tekst „a koja se ne može pokrenuti prije proteka vremena od pet godina od dana utvrđivanja“.

Iza stava (4) dodaje se novi stav (5) koji glasi:

„(5) Postupak revizije u skladu sa ovim članom mogu zahtjevom pokrenuti granski sindikat, udruženje poslodavaca, poslodavac i nositelj osiguranja, uz obrazloženje razloga za pokretanje revizije.“

Predloženi stav (5) se briše.

AMANDMAN XIII

Iza stava (1) člana 36. dodaje se novi stav (2) koji glasi:

„(2) Osiguraniku ženi po osnovu rađanja djece u penzijski staž uračunava poseban staž:

- šest mjeseci, ako je rodila jedno djetę;
- godina dana, ako je rodila dvoje djece;
- dvije godine, ako je rodila troje i više djece.

Poseban staž po osnovu rađanja djece utvrđuje nosilac osiguranja u upravnom postupku, na zahtjev osiguranika žene u skladu sa uputstvom Ministarstva.“

Predloženi stav (2) mijenja se i glasi:

„(2) Sredstva za pokriće visine penzije po osnovu posebnog staža iz stav (1) i (2), osiguravaju se u Budžetu Federacije.“

AMANDMAN XIV

Član 39. se briše.

AMANDMAN XV

U trećem redu člana 40. iza riječi „staža osiguranja“, stavlja se tačka i ostatak teksta se briše.

AMANDMAN XVI

Član 41. se briše.

AMANDMAN XVII

Iza predloženog člana 40. dodaje se novi član 41. koji glasi:

„(1) Pravo na srazmjernu penziju ima osiguranik koji je navršio 65 godina života, a nema potrebnu dužinu staža osiguranja propisanu članom 40. ovog zakona, a ima najmanje jednu godinu efektivnog staža osiguranja.

(2) Visina srazmjerne penzije se izračunava u skladu sa ovim Zakonom i prema metodologiji za izračun starosne mirovine“

AMANDMAN XVIII

Član 42. se briše

AMANDMAN XIX

U stavu (7) člana 46. briše se tekst „koja predhodi toj godini, a ako nema nijedne godine koja predhodi toj godini, onda se uzima godišnji lični koeficijent iz godine koja slijedi“.

AMANDMAN XX

Član 47. mijenja se i glasi:

„(1) Vrijednost općeg boda je nominalni iznos koji predstavlja količnik izračunatog zbira penzija i zbira ličnih bodova svih korisnika starosne i invalidske penzije koji su pravo na penziju ostvarili u prvom kvartalu 2015. godine.

- (1) Zbir ličnih bodova korisnika starosne i invalidske penzije iz stava (1) obračunava se na način utvrđen odredbama ovog zakona.
- (2) Vrijednost općeg boda će utvrditi nosilac osiguranja u saglasnosti sa Vladom Federacije najkasnije u roku od šest mjeseci od dana stupanja na snagu zakona.
- (3) Do isteka roka iz predhodnog stava, izdavat će se privremena rješenja o iznosu penzije u visini prosječne starosne, odnosno invalidske penzije u mjesecu koji je predhodio penzionisanju.

AMANDMAN XXI

U članu 49. u stavu (1) dodaju se tačke c), d) i e) koje glase:

„c) Povredom na radu smatra se i bolest osiguranika u određenim okolnostima, iz člana 17. ovog zakona, koja nastane kao posljedica obavljanja poslova u tim okolnostima.“

„d) Povredom na radu smatra se i bolest osiguranika koja je nastala neposredno ili isključivo kao posljedica nekog nesretnog slučaja ili više sile za vrijeme obavljanja posla koji je osnov osiguranja.“

„e) Povredom na radu smatra se bolest ili povreda osiguranika nastala neposredno ili isključivo kao posljedica obavljanja posla koji ne spada u djelokrug njegovog rada, a čije obavljanje mu je naredio poslodavac pod prijetnjom otkaza sa posla.“

U stavu (2) tačka a) se mijenja i glasi:

„a) ako je do povrede osiguranika prilikom obavljanja radnih obaveza ili na redovno putu od stana do mjesta rada i obratno, došlo namjerno ili iz krajnje nepažnje osiguranika.“

U istom stavu, tačke b), c), d) i e) se brišu.

AMANDMAN XXII

Član 51. se mijenja i glasi:

„(1) Način i postupak utvrđivanja profesionalnih bolesti, radnih mjesta i poslova na kojima se te bolesti pojavljuju i uvjeta pod kojima se smatraju profesionalnim, na prijedlog Instituta za medicinsko vještačenje zdravstvenog stanja (u daljem tekstu: Institut), utvrđuje Ministarstvo svojim propisom.

(2) Propis iz predhodnog stava Ministarstvo objavljuje u „Službenim novinama Federacije BiH“.

AMANDMAN XXIII

U stavu (2) člana 52. riječi „nastanka invalidnosti“, zamjenjuje se riječima „promjene radne sposobnosti.“

AMANDMAN XXIV

U članu 53. na kraju stava (1) dodaju se riječi „i njegovoj stručnoj spremi“.

Iza stava (2) dodaju se novi stavovi (3), (4) i (5) koji glase:

„(3) Osiguranik sa promjenjenom radnom sposobnošću može se rasporediti na radno mjesto ili poslove na kojim se traži niža stručna sprema od stepena stručne spreme osiguranika, samo uz njegovu saglasnost.

„(4) Pravo na raspored na drugo mjesto ima i osiguranik na kojem se utvrdi opasnosti od nastanka invalidnosti.

„(5) Opasnost od nastupanja invalidnosti postoji kada pri obavljanju određenih poslova, bez obzira na provođenje opštih i posebnih mjera zaštite i zaštite zdravlja na radu utvrđenih propisima, uslovi i

zahtjevi rada utiču na zdravstveno stanje i radnu sposobnost osiguranika u obaveznom osiguranju u tolikoj mjeri da je, radi sprječavanja invalidnosti, neophodan raspored na druge poslove“.

AMANDMAN XXV

U članu 54. iza stava (2) dodaje se novi stav (3) koji glasi:

„(3) Osiguranik sa preostalom sposobnošću može se osposobljavati za poslove za koje se traži isti ili viši stupanj stručne spreme u odnosu na posao na kojemu je radio prije nastanka smanjenja radne sposobnosti.“

AMANDMAN XXVI

Iza člana 54. dodaje se član 54 a) koji glasi:

„(1) Uslovi i način provođenja profesionalne rehabilitacije invalida rada uređuju se ugovorom koji sklapa nosilac osiguranja sa poslodavcem.

„(2) Ako se profesionalna rehabilitacija ne može obaviti kod poslodavca, ugovor iz stavka (1) ovog člana nosilac osiguranja zaključuje s ustanovom za profesionalnu rehabilitaciju i zapošljavanje invalida.

„(3) Nosilac osiguranja ima pravo i dužnost provjeravati da li se provođenje profesionalne rehabilitacije invalida rada ostvaruje u skladu s ovim Zakonom i sklopljenim ugovorom“.

AMANDMAN XXVII

Iza člana 54a) dodaje se novi član 54 b) koji glasi:

„(1) Osiguranik s pravom na profesionalnu prekvalifikaciju i dokvalifikaciju, koji nije u roku od šest mjeseci od dana pravosnažnosti rješenja o priznanju prava upućen na profesionalnu rehabilitaciju, nosilac osiguranja upućuje na pregled ovlaštenom Institutu za ocjenu radne sposobnosti radi ponovne ocjene preostale radne sposobnosti.

(2) Na pregled radi ponovne ocjene preostale radne sposobnosti uputit će se i korisnik prava na profesionalnu prekvalifikaciju i dokvalifikaciju, kada nosilac osiguranja ocjeni da se invalid rada s pravom na profesionalnu prekvalifikaciju i dokvalifikaciju neće moći osposobiti za rad na određenom poslu.

(3) Prijedlog za pregled i ponovnu ocjenu preostale radne sposobnosti invalida rada u smislu odredaba ovoga člana mogu dati poslodavac i sindikat.“

AMANDMAN XXVIII

U članu 55. stav (1) tačka c) iza riječi „povrede na radu „ stavlja se zarez i dodaje riječ „bolesti“, a ostatak teksta se nastavlja.

AMANDMAN XXIX

U stavu (1) tačka b) člana 58 umjesto teksta „penzijski staž koji mu pokriva najmanje jednu trećinu razdoblja od navršenih najmanje 20 godina života do dana nastanka invalidnosti (u daljem tekstu: radni vijek), računajući radni vijek na pune godine“, treba da stoji tekst „najmanje dvije godine staža osiguranja“.

U stavu (2) istog člana briše se tekst „penzijski staž koji mu pokriva najmanje jednu trećinu radnog vijeka, ali „najmanje dvije godine staža osiguranja.“

Stav (3) se briše.

AMANDMAN XXX

U članu 61. dodaje se stav (2) koji glasi:

„Razlika sredstava do iznosa najniže penzije osiguravaju se u Budžetu Federacije“.

AMANDMAN XXXI

U stavu (7) člana 67. umjesto riječi „bilo koji“ treba da stoji „jedan od pravnih“, a ostatak teksta se nastavlja.

AMANDMAN XXXII

Predložena odredba člana 68. postaje stav (1) u kojem se iza riječi „Starosnu“ i „starosne“ stavlja se zarez i dodaju riječi „srazmjernu“ i „srazmjerne“.

Iza stava (1) dodaje se stav (2) koji glasi:

„Ako je smrt osiguranika ili osigurane osobe iz člana 17. ovog Zakona nastala zbog povrede na radu ili profesionalne bolesti, članovi porodice imaju pravo na porodičnu penziju, bez obzira na dužinu penzijskog staža osiguranika, odnosno korisnika“.

AMANDMAN XXXIII

Odredba stava (1) člana 69. mijenja se i glasi:

„Članovima porodice umrlog osiguranika i korisnika penzije smatraju se lica koje je osiguranik, odnosno korisnik izdržavao po osnovu bračne veze ili srodstva (bračni i vanbračni partner), djeca (rođena u braku i van braka, usvojena djeca, pastorčad), braća i sestre i unučad bez roditelja ili roditelji, maćeha, očuh i usvojilac kao i lica sa kojima je osiguranik, odnosno korisnik uspostavio trajnu faktičku zajednicu života ili koje je dužan izdržavati po pravosnažnoj presudi suda.“

Iza stava (1) dodaje se novi stav (2) koji glasi:

„(2) status vanbračne zajednice i trajanje faktičke zajednice života utvrđuje se u vanpamičnom sudskom postupku“.

AMANDMAN XXXIV

U članu 70. riječ „udovica“ zamjeniti riječju „bračna partnerica“ u odgovarajućem padežu.

Tačka a) stava (1) člana 70. se mijenja tako što se na kraju teksta dodaje tekst „i ima status izdržavanog člana, odnosno da prihod kojeg ostvaruje ne prelazi iznos najniže penzije, ili je bila na evidenciji nezaposlenih, najmanje pet godina.“

U tački c) umjesto teksta „a ona obavlja roditeljske dužnosti“, treba da stoji tekst „a koja su mlađa od 15 godina.“

U stavu (2) na kraju teksta umjesto tačke stavlja se zarez i dodaje riječ „pod uslovima utvrđenim u stavu (1) ovog člana“.

U stavu (5) na kraju teksta umjesto tačke stavlja se zarez i dodaju riječi „pod uslovima utvrđenim u stavu (1) ovog člana“.

U stavu (6) na kraju teksta umjesto tačke stavlja se zarez i dodaju riječi „pod uslovima utvrđenim u stavu (1) ovog člana“.

AMANDMAN XXXV

U članu 71. mjesto riječi „udovac“ treba da stoji riječ „bračni partner“ u odgovarajućem padežu.

Tačka a) stava (1) člana 71. se mijenja tako što se na kraju teksta dodaje tekst „i ima status izdržavanog člana, odnosno da prihod kojeg ostvaruje ne prelazi iznos najniže penzije, ili je bio na evidenciji nezaposlenih, najmanje pet godina.“

U stavu (2) na kraju teksta umjesto tačke stavlja se zarez i dodaje riječ „pod uslovima utvrđenim u stavu (1) ovog člana“.

U stavu (5) na kraju teksta umjesto tačke stavlja se zarez i dodaju riječi „pod uslovima utvrđenim u stavu (1) ovog člana“.

U stavu (6) na kraju teksta umjesto tačke stavlja se zarez i dodaju riječi „pod uslovima utvrđenim u stavu (1) ovog člana“.

Iza stava (8) dodaje se stav (9) koji glasi:

„(9) Sredstva za isplatu penzija iz stava 9. ovog člana osiguravaju se u Budžetu Federacije.“

AMANDMAN XXXVI

U članu 72. umjesto riječi „supružnik“ treba da stoji riječ „bračni partner“, te iza riječi „uvjete“ dodaju riječi“ iz člana 70. i 71., te se ostatak teksta nastavlja.

AMANDMAN XXXVII

Iza člana 73. dodaje se član 73a) koji glasi:

„Član 73a)

„(1) Članovima porodice koji nisu obuhvaćeni odredbama ovog zakona iz člana 70-73. ovog zakona koje je osiguranik ili korisnik prava uzdržavao do svoje smrti imaju pravo na porodičnu penziju pod uslovima iz stava (1) člana 74. ako su status izdržavanog člana porodice, status vanbračne zajednice ili trajne faktičke zajednice života imali najmanje pet godina prije smrti osiguranika ili korisnika penzije.

(2) Izuzetno, roditelj kojega je osiguranik ili korisnik prava izdržavao do svoje smrti ima prava na porodičnu penziju:

a) ako je do smrti osiguranika ili korisnika prava navršio 65 godina života, ili

b) ako je mlađi od 65 godina života, ali je do smrti osiguranika ili korisnika prava nastala opća nesposobnost za rad, sve dok takva nesposobnost traje.

c) Ako roditelj iz tačke b) ovog stava tokom trajanja prava na porodičnu penziju navrši 65 godina života, trajno zadržava pravo na penziju.“

AMANDMAN XXXVIII

U članu 74. stav (2) se briše i dodaje novi stav (2) koji glasi:

„(2) Pravo na porodičnu penziju ostvarenu prema stavu (1) ovog člana prestaje kada dođe do promjene u prihodima korisnika penzije iznad iznosa iz stava (1) ovog člana“.

AMANDMAN XXXIX

Iza člana 75. dodaje se novi član 75a) koji glasi:

„Odredbe ovog zakona 69-74. ovog zakona se odnose i na srazmjerne penzije iz novog člana 41. ovog zakona, kao i na korisnike srazmjernih penzije iz člana 82. ovog zakona, prema zaključenim međunarodnim ugovorima“.

AMANDMAN XXXX

U stavu (2) člana 76. iza riječi "odnosno" dodaju se riječi „u visini iznosa kojeg je ostvarivao korisnik penzije.“ i ostatak teksta se nastavlja.

AMANDMAN XXXXI

U stavu (1) člana 78. umjesto riječi "usklađuje", treba da stoji riječ „utvrđuje“.

Iza stava (3) dodaje se novi stav (4) koji glasi:

„(4) Usklađivanjem u smislu ovog člana ne može se umanjivati dostignuti nivo penzija određenih po stupanju na snagu ovog zakona.“

Predloženi stav (4) postaje član (5).

AMANDMAN XXXXII

Iza člana 80. dodaje se novi 80.a) koji glasi:

„Zamjenska stopa ne može biti niža od 50% iznosa prosječne penzije za 40 godina staža osiguranja“.

AMANDMAN XXXXIII

U članu 81. stav (2) mijenja se početni dio teksta

„Najniži iznos penzije je iznos najniže penzije isplaćene u Federaciji za mjesec decembar predhodne godine u odnosu na dan ostvarivanja prava, usklađene za sva pripadajuća povećanja, a dalje.....“

Iza stava (3) dodaje se stav (4) i (5) koji glase:

„(4) Najniža penzija utvrđena u smislu stava (1) ovog člana. ne može biti niža od 60% prosječne penzije isplaćene za decembar predhodne godine.

(5) Najniža straosna i invalidska penzija u zavisnosti od strosne granice i dužine staža osiguranja. odnosno penzijskog staža su:

- a) za 15% godina staža osiguranja ili penzijskog staža i više, a manje od 20 godina, isplaćuje se u visini od 60%% prosječne penzije isplaćene za decembar predhodne godine.
- b) za 20 godina staža osiguranja ili penzijskog staža i više, a manje od 30 godina u visini od 70% % prosječne penzije isplaćene za decembar predhodne godine,
- c) za 30 godina staža osiguranja ili penzijskog staža i više, a manje od 40 godina u visini od 80% % prosječne penzije isplaćene za decembar predhodne godine,
- d) za 40 godina penzijskog staža i više, u visini prosječne penzije isplaćene za decembar predhodne godine."

AMANDMAN XXXXIV

Iza člana 81. dodaje se novi 82.a) koji glasi:

- (1) Lica koja imaju navršene 65 godina života, manje od 15 godina staža osiguranja ili manje od 20 godina penzijskog staža i lica koja su bila osigurana ali im nije uplaćivan doprinos, imaju pravo na socijalnu penziju u visini 60% prosječne penzije isplaćene Federaciji u predhodnoj godini.
- (2) Razlika sredstava između obračunate penzije po osnovu staža osiguranja i penzije iz stava (1) ovog člana obezbjeđuje Federacija u budžetu.

AMANDMAN XXXXV

Član 86. mjenja se i glasi:

„Pravo na prekvalifikaciju i dokvalifikaciju, kao i naknadu za to vrijeme, prestaje osiguraniku ako ne započne sa prekvalifikacijom, odnosno dokvalifikacijom u određenom roku ili ako iz neopravdanih razloga prekine započetu prekvalifikaciju ili dokvalifikaciju.“

AMANDMAN XXXXVI

Iza člana 86. dodaje se član 86a) koji glasi:

Osiguraniku koji nakon završene prekvalifikacije ili dokvalifikacije ostane nezaposlen duže od pet godina ima pravo na privremenu invalidsku penziju do ispunjavanja uslova za starosnu ili invalidsku penziju.

AMANDMAN XXXXVII

U članu 87. brišu se riječi „povrede na radu ili“, a ostatak teksta se nastavlja.

AMANDMAN XXXXVIII

U članu 88. briše se riječ „ne“ i umjesto tačke na kraju teksta stavlja zarez i dodaje tekst „u skladu sa zakonom o dobrovoljnom osiguranju.“

AMANDMAN XXXXIX

Član 89. se briše.

AMANDMAN L

U članu 91. iza riječi „invalidske“ dodaje se riječ „srazmjerne“

AMANDMAN LI

U članu 92. iza riječi „propisima“ stavlja se tačka, a ostatak teksta se briše.

AMANDMAN LII

Iza stava (3) člana 93. dodaje se stav (4) koji glasi:

„(4) odredbe stava (1) i (2) ovog člana primjenjivat će se najkasnije dvije godine od donošenja Odluke Ustavnog suda Bosne i Hercegovine o ocjeni njihove saglasnosti sa Ustavom Bosne i Hercegovine“.

AMANDMAN LIII

U članu 98. na kraju teksta umjesto tačke stavlja se zarez i dodaju riječi „ili srazmjerne penzije“.

AMANDMAN LIV

U članu 99. u čitavom tekstu se iza riječi „invalidske penzije“ dodaju riječi „ili srazmjerne penzije“.

AMANDMAN LV

U članu 100. dodaje novi stav (4) koji glasi:

„(4) Odredba stava (2) ovog člana primjenjivat će se najdalje dvije godine od donošenja Odluke Ustavnog suda Bosne i Hercegovine o ocjeni ustavnosti međuentitetskog Sporazuma o međusobnim pravima i obavezama u sprovođenju penzijskog i invalidskog osiguranja iz 2000. godine.“

Redoslijed predloženih stavova (4), (5) i (6) se pomjera za 1.

AMANDMAN LVI

U stav (3) člana 101. na kraju teksta se umjesto tačke stavlja zarez i dodaju riječi „shodno pravilima upravnog postupka“.

AMANDMAN LVII

Iza člana 104. dodaju se članovi 104a) i 104b), koji glase:

„Član 104a)

(1) Rješenje prvostepenog organa podliježe reviziji koju vrši drugostepeni organ.“

(2) U vršenju revizije drugostepeni organ može dati saglasnost na prvostepeno rješenje izmjeniti ga ili poništiti.“

(3) Revizija ne odlaže izvršenje rješenja.“

„Član 104b)

Ako protiv prvostepenog rješenja nije izjavljena žalba, a revizija ne bude izvršena u roku od tri mjeseca od dana isteka roka za žalbu, smatra se da je revizija izvršena i da je data saglasnost na rješenje.“

AMANDMAN LVIII

U stavu (1) člana 113. iza riječi „unazad“, dodaju se riječi „najkasnije do petog“ i ostatak teksta se nastavlja.

U stavu (2) iza riječi „osiguranja“, dodaju se riječi „koja nisu isplaćena zbog okolnosti koje je izazvao korisnik primanja, zbog neizvršenih obaveza iz člana 115. ovog zakona, a izuzetno od stava (2) člana 5. ovog zakona, mogu se naknadno isplatiti najviše za 12 mjeseci unatrag, računajući od dana podnošenja zahtjeva za isplatu“, a ostatak teksta se briše.“

AMANDMAN LIX

Iza člana 114. dodaje se novi član 114a) koji glasi:

„Korisnik penzije može ovlastiti opunomoćenika da u njegovo ime prima penziju odnosno naknadu zbog tjelesnog oštećenja.

(2) Punomoć iz stava (1) ovog člana koja je dostavljena nosiocu osiguranja vrijedi jednu godinu.

(3) Kada je korisnik penzije stavljen pod starateljstvo kao osoba potpuno lišena poslovne sposobnosti ili lišena poslovne sposobnosti u pogledu raspolaganja prihodima, nosilac osiguranja njegovu penziju isplaćuje u skladu s odlukom nadležnog centra za socijalnu zaštitu.

(4) Kada je korisnik penzije smješten u ustanovu za zbrinjavanje starih i nemoćnih osoba, on može ovlastiti nosioca osiguranja da njegovu penziju isplaćuje na račun odnosno ustanove, u svrhu pokrivanja troškova smještaja u toj ustanovi.“

AMANDMAN LX

U članu 115. iza stava (3), dodaje se stav (4) koji glasi:

„Odredba stava (1) ovog člana odnosi se i na opunomoćenika, centar za socijalni rad, odnosno ustanovu za zbrinjavanje starih i nemoćnih osoba.“

AMANDMAN LXI

U članu 116. dodaju se novi stavovi (1), (2), (3) i (4) koji glase:

(1) Korisniku penzije koji je ostvario prava po ovom zakonu, a bude zatečen u procesu rada kod obaveznika uplate doprinosa za obavezno osiguranje, od strane nadležnih inspeksijskih organa, organa unutrašnjih poslova ili drugog ovlaštenog nadležnog organa, nositelj osiguranja će mu po službenoj dužnosti obustaviti isplatu penzije.

(2) Isplata penzije se obustavlja od prvog narednog mjeseca po zaprimljenoj prijavi nadležnog organa iz stava 1. ovog člana u trajanju od 3-12 mjeseci, o čemu rješenje donosi nositelj osiguranja.

(3) Žalba protiv rješenja iz stava 2. ovog člana ne odlaže izvršenje rješenja.

(4) Nositelj osiguranja će po proteku vremena na koji je, isplata penzije obustavljena, po službenoj dužnosti uspostaviti ponovnu isplatu i to na nivou posljednje isplaćene penzije.“

Predloženi član 116. postaje stav (5)

AMANDMAN LXII

Predloženi član 117. postaje stav (1) istog člana, u kojem se iza riječi „starosne“ dodaju riječi „invalidske ili srazmjerne“

Iza stava (1) dodaju se novi stavovi (2), (3) koji glase:

(2) Novi iznos penzije u skladu sa stavom (1) ovog člana, određuje se tako da se ponovo odredi iznos penzije na dan ostvarivanja prava, računajući i naknadno navršeni staž, kao i plate ili osnovice osiguranja, pa se zatim taj iznos usklađuje sa kretanjem penzija od dana ostvarivanja prava do dana određivanja novog iznosa penzije.“

(3) Novi iznosi penzije u skladu sa stavom (1) ovog člana pripada korisniku od dana podnošenja zahtjeva“.

AMANDMAN LXIII

Iza člana 117. dodaje se član 117a) koji glasi:

(1) Korisnik penzije može podnijeti zahtjev za određivanje novog iznosa penzije i na osnovu činjenica koje je saznao ili su nastupile nakon donošenja rješenja o priznavanju prava na penziju.

(2) Novi iznos penzije će se odrediti na način propisan stavom (2) člana 117. ovog zakona, ako je korisnik penzije pravo ostvario po odredbama ovog zakona, a ako je pravo ostvario prema propisima koji su važili do stupanja na snagu ovog zakona, na način propisan članom 138 a) ovog zakona.

(3) Novi iznos penzije pripada od dana podnošenja zahtjeva“.

AMANDMAN LXIV

Na kraju teksta stava (2) člana 121. brišu se riječi „i za tri mjeseca unazad“.

AMANDMAN LXV

U stavu (2) člana 122. na kraju teksta, umjesto tačke stavlja se zarez i dodaje tekst „a pravo na porodičnu penziju prestaje u skladu sa odredbom iz stava (1) ovog člana.“

AMANDMAN LXVI

U stavu (2) člana 123. na kraju teksta, umjesto tačke stavlja se zarez i dodaje tekst „a pravo na porodičnu penziju prestaje u skladu sa odredbom iz stava (1) ovog člana.“

AMANDMAN LXVII

U članu 124. u tački c) umjesto predloženog teksta „Budžet Bosne i Hercegovine“, treba da stoji tekst „iz dijela sredstava od prodaje državne imovine“, a iza tačke h) dodaje se tačka i) koja glasi: „iz sredstava naplaćenih dugovanja od doprinosa i drugih izvora u skladu sa zakonom.“

AMANDMAN LXVIII

U stavu (1) člana 125. tačka e) se briše.

U istom stavu dodaje se tačka h) koja glasi:

„h) naknadu pogrebnih troškova u skladu sa ovim zakonom.“

AMANDMAN LXIX

U članu 126. umjesto tačke stavlja se zarez i dodaje tekst „a koji će se donijeti u roku od 6 mjeseci od stupanja na snagu ovog zakona“.

AMANDMAN LXX

U stavu (1) člana 128. umjesto riječi „uplati“, treba da stoji riječ „uplaćuje.“

U stavu (2) istog člana iza riječi „kao i“ dodaju se riječi „Korisnik penzije može podnijeti zahtjev za određivanje novog iznosa penzije i na osnovu činjenica za koje je saznao ili su nastupile nakon donošenja rješenja o priznavanju prava na penziju

AMANDMAN LXXI

Član 129. mijenja se i glasi:

- (1) Federacija u Budžetu obezbjeđuje sredstva za pokriće obaveza nastalih po osnovu prava ostvarenih pod povoljnim uslovima, po osnovu većeg obima prava određenih kategorija osiguranika u odnosu na obim prava ostalih osiguranika, po osnovu posebnog staža, po osnovu međudržavnih ugovora i po osnovu obaveza po propisima koji su se primjenjivali do stupanja na snagu ovog zakona, kako slijedi:
- a) starosnu penziju – u cijelom iznosu ostvarenu sa manje od 15 godina osiguranja,
 - b) porodičnu penziju - u cijelom iznosu ostvarenu iza korisnika starosne penzije sa manje od 15 godina staža osiguranja,
 - c) starosnu penziju ostvarenu uračunavanjem posebnog staža – za dio penzije za koji je penzija veća po osnovu posebnog staža,
 - d) porodičnu penziju ostvarenu iza starosne penzije ostvarene iz tačke c) za dio penzije za koji je penzija veća po osnovu posebnog staža,
 - e) invalidsku penziju ostvarenu uračunavanjem posebnog staža za dio penzije za koji je penzija veća po osnovu posebnog staža,
 - f) porodičnu penziju ostvarenu iza invalidske penzije iz tačke e) za dio penzije za koji je penzija veća po osnovu posebnog staža,
 - g) invalidsku penziju u punom iznosu ako uzrok invalidnosti povreda ili bolest nastala pod okolnostima iz člana 17. ovog zakona,
 - h) porodičnu penziju ostvarenu iza korisnika invalidske penzije iz tačke g),
 - i) porodičnu penziju iza osiguranika ostvarenu uračunavanjem posebnog staža - za dio penzije za koji je penzija veća po osnovu posebnog staža,
 - j) razliku između najniže penzije i penzije koja po zakonu pripada korisniku, dok razlika postoji,
 - k) prijevremenu starosnu penziju određenih kategorija osiguranika, do ispunjenja uslova za starosnu penziju,
 - l) po osnovu međudržavnih ugovora i
 - m) po osnovu obaveza po propisima koji su se primjenjivali do stupanja na snagu ovog zakona..

AMANDMAN LXXII

Predlaže se novi stav (1) člana 131. koji glasi:

„(1) Visina sredstava iz stava (1) ovog zakona, utvrđuje se Budžetom Federacije za narednu godinu, a raspodjeljuju i transferišu u tekućoj godini, u skladu sa zakonom o izvršenju Budžeta Federacije.“

Predloženi stavovi (1) i (2) postaju stavovi (2) i (3).

AMANDMAN LXXIII

Iza stava (1) člana 132. dodaju se novi stavovi (2), (3), (4) i (5) koji glase:

„(2) Lice kome je na teret nosioca osiguranja izvršena isplata na koju nije imao pravo po ovom zakonu, obavezno je da vrati primljeni iznos ako je:

- a) na osnovu neistinitih i netačnih podataka koje je znalo ili moralo znati da su neistiniti, odnosno netačni, ili na drugi protivpravan način ostvarilo pravo iz penzijskog i invalidskog osiguranja, ili je ostvarilo pravo u većem obimu nego mu po ovom zakonu pripada,
- b) koristilo pravo neovisno od promjene činjenica koje utiču na korištenje, gubitak ili obim prava, a znalo je ili moralo znati za te promjene,
- c) primalo novčani iznos veći od iznosa koji mu pripada po ovom zakonu, iako je znalo ili moralo znati da mu taj iznos ne pripada.

(3) U slučaju iz stava (2) tačka c) nosilac osiguranja donosi rješenje o utvrđivanju više isplaćenog iznosa, rok i način vraćanja.

(4) Nosilac osiguranja može rješenjem odrediti da više isplaćeni novčani iznos bude nadoknađen obustavom do jedne trećine mjesečnog iznosa penzije, sve dok se u cjelosti ne izmiri preplaćeni iznos.

(5) Rokovi zastarjelosti potraživanja naknade štete u slučajevima iz člana 132-134, ovog zakona, počinju teći od dana kada je u upravnom postupku postalo konačno rješenje kojim je priznato pravo iz penzijskog i invalidskog osiguranja, odnosno kojim je utvrđena pretplata noćanog primanja."

U tekstu predloženog stava (3), koji postaje stav (6), iza riječi „zahtjeva“ dodaju riječi “po osnovu solidarne odgovornosti.

AMANDMAN LXXIV

U stavu (1) tačka a) člana 136. iza riječi “odredbama”, dodaju se riječi „člana 33. tačka a), člana 53. stav (5) i člana 54. tačka b)”

U stavu (1) tačka b) iza riječi “odredbama”, dodati riječi „člana 115.”

AMANDMAN LXXV

Stav (1) člana 138. mijenja se i glasi:

„(1) Korisnicima prava iz penzijskog i invalidskog osiguranja koji su prava stekli do stupanja na snagu ovog zakona će se izvršiti obračun penzija koje su trebali primati po svim osnovama predviđenim tim propisima i onih koje su im isplaćivane.

(2) Korisnici prava iz stava (1) ovog člana imaju pravo na isplatu razlike obračunate i isplaćene penzije u roku od pet godina od dana verifikacije visine ukupnih dugovnja i potraživanja po ovom osnovu.

(3) Zavisno od visine obračunatih pojedinačnih dugovnja i potraživanja isplata se može vršiti jednokratno i u obročnim mjesečnim dijelovima kao sastavni dio tekuće penzije.

(4) Nosilac osiguranja će najkasnije u roku od dvije godine od stupanja na snagu ovog zakona, izvršiti obračun penzija korisnicima iz stava (1) ovog člana i dostaviti na verifikaciju Ministarstvu, ukupnih dugovanja i potraživanja po ovom osnovu.

(5) Prava korisnika penzijskog i invalidskog osiguranja koja proističu iz odredaba ovog člana, shodno članu 5. ovog zakona ne zastarjevaju.

(6) Do isteka roka iz stava (2), korisnici iz stava (1) ovog člana zadržavaju dostignuti nivo penzija na dan stupanja na snagu zakona, sa pravom na usklađivanje po odredbama ovog zakona.”

Predloženi stav (2) postaje stav (4).

AMANDMAN LXXVI

U članu 148. riječ „pravilnik“, zamjenjuje se riječju „propis“.

AMANDMAN LXXVII

Iza člana 148. dodaje se član 148a) koji glasi:

„Nosilac osiguranja će za svaku godinu nakon stupanja na snagu ovog zakona utvrditi koeficijent valorozacije plaća, tako da se prosječna plaća iz te godine dovede na nivo prosječne plaće iz godine koja predhodi godini za koju su usklađene penzije ostvarene prije stupanja na snagu ovog zakona.”

IZJAŠNJENJE

Amandmani od I do LXXVII se ne prihvataju **Obrazloženje**

U vezi sa podnesenim amandmanima ističemo da je Vlada Federacije Bosne i Hercegovine navedene amandmane detaljno razmotrila, te ih ocijenila neprihvatljivim.

Naime, utvrđeno je da je veliki broj amandmana suvišan, te da se istim ne poboljšavaju i ne preciziraju odredbe zakona, kao i da se određenim amandmanima predlažu izmjene i dopune koje se tiču pitanja koja su predmet drugih propisa. Također, kroz veliki broj amandmana predlaže se uvođenje novog prava na tzv. „srazmjernu penziju“ koja ustvari predstavlja starosnu penziju i koja kao takva već postoji u važećem zakonodavstvu.

Nadalje, određeni amandmani ocijenjeni su neprihvatljivim jer bi izvršili veliki finansijski pritisak na Federalni zavod za penzijsko i invalidsko osiguranje, koji je već u teškoj ekonomskoj i finansijskoj situaciji, pa bi uvođenje dodatnih obaveza dovelo u pitanje i redovnost isplate penzija.

Amandmani koji predviđaju određene povlastice kroz staž osiguranja, te poseban staž za pojedine kategorije osiguranika izložili bi kako resorno ministarstvo, tako i na budžet Federacije Bosne i Hercegovine dodatnim troškovima za koje nema finansijskih sredstava.

Posebno ističemo da je izmjenom člana 138. Prijedloga zakona predložen preračun penzija korisnicima prava iz penzijskog i invalidskog osiguranja koji su ta prava stekli prije stupanja na snagu ovog zakona. Navedeni amandman ocijenjen je neprihvatljivim iz razloga što bi preračun svih penzija zbog obaveze donošenja novih rješenja izvršio veliki finansijski pritisak na nosioca osiguranja, a i praksa zemalja koje su izvršile preračun penzija pokazuje da je to postupak koji iziskuje dodatne troškove i dovodi nosioca osiguranja u veće finansijske probleme.

Imajući u vidu navedeno, predloženi amandmani od I do LXXVII koje je podnio Aner Žuljević, delegat u Domu naroda Parlamenta Federacije Bosne i Hercegovine, ocijenjeni su neprihvatljivim.

IZJAŠNJENJE

o amandmanima I i II na Prijedlog zakona o penzijskom i invalidskom osiguranju, koje je podnio Aner Žuljević, delegat u Domu naroda Parlamenta Federacije BiH

AMANDMAN I

U članu 34. brisati riječ „kantonalnim“

AMANDMAN II

U članu 81. dodaje se stav 4. koji glasi:

„Osiguranicima koji su osvarili penziju u visini od 75% od penzijskog osnova ili osiguranicima koji su ostvarili starosnu penziju sa 40 godina staža i invalidsku penziju sa 35 godina penzijskog staža i osiguranicima koji su ostvarili invalidsku penziju po osnovu invalidnosti uzrokovane povredom na radu ili profesionalnom bolešću osigurava se zajamčena penzija koja ne može biti manja od 80% od prosječne penzije u decembru prethodne godine. Procenat porasta penzije usklađuje se sa penzijama koje su isplaćene u toj godini.“

IZJAŠNJENJE

Amandmani I i II se ne prihvataju

Obrazloženje

Uloženi amandmani se ne prihvataju jer su u suprotnosti s usvojenim dokumentom Strategija reforme penzijskog sistema u Federaciji BiH i konceptom novog Zakona o penzijskom i invalidskom osiguranju, kao i sa predloženim bodovnim sistemom.

IZJAŠNENJE

**o amandmanima na Prijedlog zakona o penzijskom i invalidskom osiguranju, koje je podnio
Predrag Kojović, delegat u Domu naroda Parlamenta Federacije BiH**

AMANDMAN I

Član 19. stav 1 se mijenja i glasi :

„1) Dobrovoljnim penzijskim i invalidskim osiguranjem osiguranici mogu, u skladu sa posebnim zakonom, obezbjediti sebi i članovima svoje porodice veći obim, kao i drugu vrstu prava od prava utvrđenih ovim zakonom, ako imaju prebivalište na teritoriji Federacije ili teritoriji Brčko Distrikta, imaju opću zdravstvenu sposobnost, ako su stariji od 15 godina a najkasnije do navršene 65 godine, te ako su državljani Bosne i Hercegovine.“

U članu 19. dodaje se stav 2) koji glasi:

„2) Lica koja nisu obavezno osigurana u smislu ovog zakona mogu, dobrovoljnim penzijskim i invalidskim osiguranjem, u skladu sa posebnim zakonom, sebi i članovima svoje porodice obezbjediti prava iz penzijskog i invalidskog osiguranja i druga prava u skladu sa posebnim zakonom. Dobrovoljno penzijsko i invalidsko osiguranje mogu organizovati i sprovoditi pravna lica, u skladu sa posebnim zakonom.“

IZJAŠNENJE**Amandman se ne prihvata****Obrazloženje**

Uloženi amandman nije prihvatljiv iz razloga što ovdje nije riječ o dobrovoljnom osiguranju koje je uređeno Zakonom o dobrovoljnim penzijskim fondovima („Službene novine Federacije BiH“, broj 104/16), a koji uređuje faktički institut „štednje“ i može se koristiti bez obzira na obavezno osiguranje. Član 19. reguliše mogućnost prijave na obavezno dobrovoljno osiguranje, ali samo za lica koja nisu po ovom zakonu obavezna da se prijave na obavezno osiguranje. Dakle, riječ je o dva potpuno različita instituta.

AMANDMAN II

Član 71. se mijenja i glasi:

„(1) Udovac ima pravo na porodičnu penziju:

- a) ako je na dan smrti supruge navršio 50 godina života,
- b) ako je na dan smrti supruge bio potpuno nesposoban za privređivanje, odnosno ako je takva nesposobnost nastala u roku jedne godine od dana smrti supruge,
- c) ako je poslije smrti supruge ostalo jedno ili više djece koja imaju pravo na porodičnu penziju, a on obavlja roditeljske dužnosti prema toj djeci.

(2) Udovac kome pravo na porodičnu penziju ostvarenu prema odredbama stava (1) tačka c) ovog člana prestane prije navršenih 50 ali poslije navršenih 45 godina života može ponovo ostvariti pravo kad navrši 50 godina života.

(3) Udovac koji nije ostvario pravo na porodičnu penziju u skladu sa stavom (1) tačka c) ovog člana, iako je ispunjavao uslove, može ostvariti pravo na porodičnu penziju i nakon prestanka prava na porodičnu penziju djece, pod uslovima utvrđenim ovim zakonom.

(4) Udovac koji u toku korištenja prava na porodičnu penziju ostvarenu u skladu sa stavom (1) tačka c) ovog člana postane potpuno nesposoban za privređivanje zadržava pravo na porodičnu penziju dok postoji takva nesposobnost.

(5) Udovac koji u toku korištenja prava u skladu sa stavom (1) tačka c) ovog člana navrši 50 godina života zadržava pravo na porodičnu penziju.

(6) Udovac koji do smrti supruge nije navršio 50 ali je imao navršenih 45 godina života ima pravo na porodičnu penziju kad navrši 50 godina života.

(7) Udovac koji je do smrti supruge ili do prestanka prava na porodičnu penziju navršio 45 godina života ima pravo na porodičnu penziju prije navršenih 50 godina života, ako postane potpuno nesposoban za privređivanje.

(8) Izuzetno od uslova propisanih u st. (1) do (7) ovog člana, udovac šehida-žene, odnosno poginule braniteljice, ima pravo na porodičnu penziju kada navrší 50 godina života."

IZJAŠNENJE

Amandman se ne prihvata

Obrazloženje

Uloženi amandman nije prihvatljiv iz razloga što cijenimo da bi „smanjenje“ starosne granice za muškarce na predloženih 50 godina, dovelo do proširivanja kruga lica koji mogu ostvariti pravo na porodičnu penziju, što bi izvršilo dodatni finansijski pritisak na nosioca osiguranja koji se već nalazi u vrlo teškoj finansijskoj situaciji. Navedeno bi također bilo u suprotnosti i sa cjelokupnim konceptom reforme penzijskog sistema u Federaciji Bosne i Hercegovine, a to je pooštavanje uslova za ostvarivanje, između ostalog, i prava na porodičnu penziju, a radi smanjenja broja porodičnih penzija, te podsticanja potencijalnih korisnika ovih penzija na uključivanje u tržište rada.

AMANDMAN III

Član 88. se briše.

IZJAŠNENJE

Amandman se ne prihvata

Obrazloženje

Uloženi amandman apsolutno nije prihvatljiv iz razloga što se u slučaju profesionalne bolesti ili povrede na radu, prava ostvaruju kod poslodavca, a kako u konkretnom slučaju „nema“ poslodavca, to ista nije moguće ni ostvariti.

V. broj: 451/2017
29.3.2017. godine
Sarajevo

